



Trg Robertsa B. Owensa 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Роберта Б. Оуена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-000976/22
Broj akta: 01.1-1413EK-0049/22
Datum, 23.8.2022. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 - prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članom 69. stav (2) tačke a) i e) Zakona o javnim nabavkama («Službeni glasnik BiH», broj: 39/14), Zapisnika o pregledu i ocjeni ponuda BiH broj: 13-000976/22 od 11.8.2022. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak s međunarodnom objavom za lotove 2,25,26 i 27 iz provedenog postupka za nabavku namještaja (lotovi 1-31) za potrebe Vlade i institucija Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-000976/22 broj akta:01.1-1413EK-0018/22 od 10.5.2022. godine, Obavještenja o nabavci na portalu javnih nabavki broj: 1157-1-1-311-3-354/22 od 1.6.2022. godine, specifikacije roba u vezi sa Tenderskom dokumentacijom broj: 13-000976/22,

Za Lot 2 – Nabavka namještaja za potrebe JU Četvrte osnovne škole Brčko, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke;

Za

Lot 25 – Nabavka namještaja za potrebe Pravosudne komisije Brčko distrikta BiH,

Lot 26 – Nabavka namještaja za potrebe Osnovnog suda Brčko distrikta BiH,

Lot 27 – Nabavka namještaja za potrebe Apelacionog suda Brčko distrikta BiH,

iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka a) predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno ponuda ponuda, sljedećih ponuđača: “Novak” d.o.o. Brčko, “Mira Mar” d.o.o. Foča, “Hafele BH” d.o.o. Gračanica, “Inter-Com” d.o.o. Zenica, “R&S” d.o.o. Sarajevo, “Adut Plus” d.o.o. Banja Luka, “Derby Trade” d.o.o. Brčko, “Kabas” d.o.o. Sarajevo, “Larix” d.o.o. Doboј i “Intec” d.o.o. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Sve ponude su prihvatljive prema obliku, sadržaju i potpunosti te u pogledu načina pripreme i dostave ponuda, osim ponude ponuđača „Novak“ d.o.o. Brčko. Nakon detaljne analize ponuda, komisija je ustanovila da sa aspekta prihvatljivosti ponuda prema obliku, sadržaju i potpunosti, te sa aspekta načina pripreme i dostave ponuda ponuđača “Novak” d.o.o. Brčko nije pripremljena na način kako je propisano tenderskom dokumentacijom.

Ponuda ovog ponuđača je uvezana u spiralni uvez bez dodatnog jamstvenika. U tački 4.1 tenderske dokumentacije je navedeno sljedeće:

Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda osigurana jamstvenikom. Pod čvrstim uvezom se ne

podrazumjeva uvez „Spiralno“, ponuda dostavljena u plastičnoj fascikli ili sličan uvez koji omogućava nesmetano mijenjanje stranica ponude. U slučaju da ponuđač uveže ponudu na navedeni način uvez mora biti dodatno osiguran jamstvenikom.

Takođe isti ponuđač je u svojoj ponudi dostavio samo obrazac za cijenu ponude u tabelarnom prikazu (ANEKS 3), dok nije dostavljena tehnička specifikacija za ponuđeni lot 8. U tenderskoj dokumentaciji je jasno navedeno sljedeće: „Obavezno je navođenje cijene brojevima u tabeli i slovima ispod tabele, kao i u tehničkim specifikacijama po lotovima.“

Tehničke specifikacije su date za svaki lot pojedinačno. Navedene tehničke specifikacije date u aneksu 8 tenderske dokumentacije predstavljaju sastavni dio obrasca za cijenu ponude. Iz svega navedenog ponuda ponuđača „Novak“ doo Brčko je ocijenjena kao neprihvatljiva. Ostali ponuđači su ocijenjeni kvalifikovanim i ponude prihvatljivim. Nakon izvršene računске kontrole ponuda, utvrđene su računске greške u ponudi ponuđača „Intec“ doo Brčko za lot 9, koji je dostavio saglasnost za ispravku. Komisija je prije provedene e-aukcije razmotrila najpovoljnije ponude sa aspekta mogućnosti da se radi o neprirodno niskoj cijeni ponude te je ustanovila postojanje elemenata niske cijene u ponudi ponuđača „Hafele BH“ doo Gračanica na lotu 11 i lotu 30, ponudi ponuđača „Derby Trade“ doo Brčko na lotu 7 i lotu 9, ponudi ponuđača „Inter – Com“ doo Zenica na lotu 20 i ponudi ponuđača „Kabas“ doo Sarajevo na lotu 29. Od navedenih ponuđača je traženo pojašnjenje niske cijene za navedene lotove. Svi ponuđači su dostavili tražena pojašnjenja koja je komisija ocijenila kao prihvatljiva. Nakon što je komisija utvrdila kvalifikovanost ponuđača u skladu sa odredbama tačke 4.16. tenderske dokumentacije zakazana je e-aukcija.

Za Lot 2 i Lot 24 nije zakazana e-aukcija jer je na ovim lotovima dostavljena samo jedna kvalifikovana i prihvatljiva ponuda. Na lotovima 25, 26 i 27 nije dostavljena nijedna ponuda. Došlo je do smanjenja cijena u odnosu na cijene sa otvaranja ponuda. Iznos najpovoljnijih ponuda za lotove 2, 4 i 7 nije u okviru procijenjene vrijednosti nabavke. Od Odjeljenja za obrazovanje je zahtijevano da se izjasne da li su u mogućnosti obezbijediti dodatna sredstva za realizaciju ovih lotova. Odjeljenje za obrazovanje je odgovorilo da daje saglasnost za lot 4 i lot 7 za nastavak procedure, dok se za lot 2 postupak treba poništiti u skladu sa članom 69 stav 2 pod e) Zakona o javnim nabavkama. Za lotove 25, 26 i 27 nije dostavljena nijedna ponuda tako da je komisija za nabavke za navedene lotove dostavila preporuku o poništenju postupka za lotove 2, 25, 26 i 27.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za obrazovanje,
4. Komisiji za odlučivanje o sukobu interesa,
5. Odjeljenju za privredni razvoj, sport i kulturu,
6. Direkciji za finansije,
7. Kancelariji gradonačelnika,
8. Odjeljenju za poljoprivredu, šumarstvo i vodoprivredu,
9. Kancelariji za upravljanje javnom imovinom,
10. Odjeljenju za javnu sigurnost,
11. Odjeljenju za raseljena lica, izbjeglice i stambena pitanja,
12. Odjeljenju za prostorno planiranje i imovinsko pravne poslove,
13. Odjeljenju za zdravstvo i ostale usluge,
14. Pravosudnoj komisiji,
15. «Službenom glasniku Brčko distrikta BiH»,
16. Arhivi.

